

0cm 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30



浙江圖書館

®  
YS-683



浙江圖書館



浙江圖書館



浙江圖書館



浙江圖書館



浙江圖書館

梅溪先生後集卷第四

詩

州宅

鑑水稽山擁卧龍黃堂人似坐仙宮  
風雅惟有元才子終日賦詩屏障中

蓬萊閣

祖龍車轍遍塵寰只道蓬萊在海間  
空上望泰山真不知此處是神山

清白堂

堂與泉皆范正公名也

錢清地古思劉寵錢清地名父泉白堂虛憶范公印

紛紛會稽守誰能無愧一賢風



清白泉

聖人達節猶憎盜志士清心肯飲貪試向卧龍山下酌  
世間無似此泉甘

觀風堂

簿俗澆風有萬端欲將眼力見應難但令心境無塵垢  
端坐斯堂便可觀

望月臺

明珠遙吐卧龍頭漸覺清光萬里浮人望使君如望月  
要須如境真如鈎

秦望閣

紙上觀秦尚過秦那堪山作眼中塵為言高閣登臨者

莫作秦人視越人

望海亭

踏雪遙登望海亭  
扶桑日上卧龍醒  
微臣望處非滄海  
只望堯天萬里青

卧龍山

鑑水連天儘可容  
稽山照眼五雲濃  
只憂旱歲無霖雨  
誰識東州有卧龍

種山

決策平吳霸業成  
青山長占大夫名  
子胥忠義無生死  
怒氣隨潮到越城

競秀閣

隱臺高閣偶躋攀萬壑千岩指顧間山色元來本無競  
人心自是錯看山

戴山

十九年間膽厭嘗盤羞野菜當合香春風又長新茅甲  
好類青青薦越王

八松

蕭洒荀家好弟兄秦封不汚有餘清鍾成一種棟梁氣  
散作八方風雨聲

右軍祠堂

欲弔右軍千載魂祠堂荆棘斷碑存老僧相見話  
事問我蘭亭幾世孫

鵝池

鵝鵝能鳴吳衆禽池邊墨客最知音  
世間多是山陰姬應恐誤猜君子心

硯池

鳳蕭龍蹻字字奇陶泓湯沐向斯池  
波心雨後一魚躍猶似青年春墨時

題廣橋

右軍一畫千金重妙意寧容市廛知  
明日重來堪一笑管城那肯更臨池

雷門

吳越興亡萬石河燕門遺迹枕山阿  
大聲曾作雷霆震

應笑人間布鼓多

曲水閣故號榭蓋新建

三詩蘭亭久寂寥茂林偃竹自蕭騷  
將侯近代風流守  
曲水流觴意亦高

西園

西園風物冠東州飛蓋紛紛爛熳游  
惟有紅蓮幕中客  
倚欄纔得片時留

望湖亭

杖履登臨望鑑湖中一半已湮蕪  
誰能更繼東坡守  
長使山陰水旱無

吳先生祠

浙

右軍宅化空王寺秘監家為羽士宮惟有先生舊池館  
春風歸在杏壇中

賀知章祠

賀老祠堂枕鑑湖霓裳羽化宅荒蕪無人更問君王覓  
轉使高風千載孤

鑑湖

曾中萬頃元才子方外孤標賀季真鑑水滌滌回三百里  
風流何止兩唐人

禹廟

越國遺民念帝功稽山廟貌勝卑宮少陵莫歎丹青落  
紙上丹青自不窮

非泉

范王宮近夏王宮一水清含節儉風越俗不知王好惡  
泉名却在酒名中

禹穴

館

好古貪竒司馬迂習中史記越山川如今禹穴無尋處  
洞鎖陽明石一拳禹穴道家謂

馬太守廟

圖

會稽疏鑿自東都太守功從禹後無能使越人懷舊德  
至今廟食賀家湖

吳越王廟

所

一劍功成三節還  
將錦秀裹江山  
斗牛氣滅英靈泯

廟比昭王屋一間

望泰山

館

洛思昔有人思洛秦望今無客望秦回首長安在何處  
誰能念彼下泉人

少微山

圖

出郭舟行十里間少微山近若蒼山山中處士已長往  
一點客星雲外閑

梅梁

折

結實幾調商鼎味成材宜作禹祠梁世間何歲無風雨  
鉄鎖無端誤見殃

定石

越俗流傳素可疑越俗不禹陵空石果何時  
只應便是專車骨未可呼為沒字碑石形真可  
為古碑

和昌齡弟見寄

館

經年游宦思家鄉枕間魂夢長飛揚  
鮑越相望數百里魚雁來往安能常  
水綠蓮紅王儉幕我愧才疎筆常閣  
居官不事羨長卿執一無權猶子莫昔年  
姜被今獨眠何時更作三珠連左原  
風物亦不惡溪尊抽絲蕨吐拳  
阿連春艸詩篇好勸我歸來宜及早  
代笠亭前烟雨中  
共把鋤犁寧待老

懷喻叔奇已邇

浙

結得賢閔雁塔因東州相遇益相親  
凌雲三賦我慚馬  
清唱百篇君勝秦  
冀北郡空殊昔別  
江東日暮倍傷神  
同年四百二十六  
莫逆論交能幾人

次韵周堯夫贈睡香

長向春前臘後開  
要將風味鬪梅魁  
名後廬阜亭中得  
根自鄖山嘉處來  
風并錦囊香不斷  
日烘寶蓋翠成堆  
定須移向梅路去  
栽伴吾廬桂與槐

送陳元佐游四明

鑑水悠悠接鄞川  
宦情客况兩凄然  
扁舟乘興梅花月  
樽酒送行燈火天  
我似鄭虔官舍冷  
君如馮子主人賢  
虞庠春榜無多日  
行看香名動日邊

聞禮生日

拋水停春月真階雙菴生添丁慰廬老子慶徐鄉  
得中和氣看成遠大名青春已如許勉力繼家聲

次韻趙觀使鴛鴦梅

如視紛紛替與休芳心那肯貯離愁結成冰玉岳  
開伴紵羅施鄭流影照婢娟如並卧枝橫清淺似  
不知他日調金鼎勝得櫻桃氣味不

亡友孫子尚藁堯會稽山大禹寺之側某至官  
八日出郊訪其墓不獲明年春被命祀禹訪而  
得之又明年春再往酌酒因植柏十根哭之以

詩

嚙昔相知似弟兄那知半世死生分無緣更飲盃中物  
想見能修地下文有媿乘車塋元伯僅同解劔乎徐君  
他年魚色參天處是子會稽山下墳

子尚墓種柏

子尚乃如許壯年墳已荒我來親種柏含淚待蒼蒼

鄭夫人挽詞

好谿太守非常好慈母端如孟母賢能膽調成真器業  
魚軒游徧舊山川頽間日有平反喜方外時修香火緣  
身世九齡家萬石定應含笑向重泉

錢夫人挽詞

忠孝之家女亦良教傳彤管有遺芳藁砧舊擢儒林秀

桂子新飄月窟香  
方擬魚軒霈寵溼  
遽驚風樹變連涼  
稽山鑑水青春暮  
殘露沾巾恨更長

連月不雨農事失  
時府帥決獄廩飢  
德政動天霈然而  
雨甚吟成律詩一  
章以賀

旱寇為灾罕似今  
霈然一雨慰群心  
非閔善陸解為澤  
自是使君能作霖  
躬慮滯囚究盡釋  
廣開義廩惠尤深  
佇公歸國調元氣  
散及德陽與伏陰

次韻濮太守喜雨

去歲秋大水民食  
方苦艱丁壯尚流  
離而况白與班  
今春又不雨事與  
安危閑使符下列  
郡呼零舞童盃  
投文責老龍貪睡  
何癡頑我聞救灾  
術迺在人事間興  
師古

有備決獄唐稱顏年因乎伐有雨送輅車還嗟此旱魁  
雲和氣知誰干半歲幸一雨人心寧不飲麥秀禾可植  
田里庶少安上紆當守憂吏責亦稍寬我家蕭峯下山  
長路漫漫東舉有先業願亦知艱難歸耕願及早免起  
將蕪嘆

圖

叔父寶印師往永嘉妙果院未青年而退弟子  
德純往龍翔一日歸省其師亦退居林下緇素  
逸留之乃遁於異郡不踰月間師弟子相繼退  
休識者高之目為僧中二疎某竊祿將一考矣  
有媿二高僧因書一絕庶幾他日或蹈其高躅  
云

掛冠芬下近來無誰謂僧中有二跡應笑紅蓮幕中客  
故園三經已荒蕪

寄黃簿丈昌

六一移書責司諫聲隔閭命避徂徠茲風不作已久矣  
吾子所為何壯哉在列諸公頗有魏附矣群小瞻應推  
要須終始全名節莫道心隨利祿回

次韻濮太守題禹穴

寰瀛三十六名郡越在東南雄四鎮宛委周回三百里  
中木山川有光潤泰山鑑水縈秀異人物風流夸漢晉  
傳聞禹穴自太史好古無人看為問臨退之詩云越俗  
好古不傳失其  
真杖履飄然尋洞天照眼千岩若墮刃細看盤石心愈

疑遐想丹書氣猶振禹貢無傳豈其闕道甲所書何足  
訓彙倫叙自九疇錫永土平絲五行順洛書六十有五  
字王業兢兢此途進八卷飛沉天與泉茲說荒唐理難  
信吾儕去古恨大遠企首難窺禹階仞宄傍有井清且  
甘一酌端能洗驕吝

圖

薛師約撫幹召飯于圓通寺主僧論茗索詩

綠暗梅欲雨風薰麥初秋官舍厭早濕僧廬訪清幽儒  
餐慣蔬飯道話便茶甌鑑湖倘容覓杖屨時來游

潘知縣向弟撫幹時和詩復用前韻

三三三三三微公氣節橫清秋風流屬猶子曾遊羅奇函詩  
寫繁華華名字宜金甌州縣聊爾耳行矣天池游

酬富陽張叔清縣尉

尺素遙傳到越城，入懷珠玉照人明。登科雅服才名早

筮仕喜聞官業清。空把交情對山色，採詩有吳山空要

令音問讀潮聲。忽忽作春無他語，莫羨人間勢利榮。

周德貽得子以錢果為貺僕不獲為湯餅客賀

之以詩

雙鯉來從古嶧州，喜聞英物誕東州。清和時節綠陰滿

秀異谿山佳氣浮。分貺金錢意殊厚，欲為湯餅客無由。

乃翁指日身龍虎，况有奇兒氣食牛。

喻叔奇迎侍赴桐川榜其堂曰戲綵書來求詩

寄題一絕

桐州絲捧斬是宣威首闢萱堂上壽危堂上慈顏笑還  
老萊文采媿吾兒

女子生日

五月十二日

吾女何時見薰風欲半時年齡今稍長禮法要須知好  
讀班姬誡休吟謝女詩萱堂有慈母淑德可為師

范文正公祠堂詩并序

寶元間文正范公自潤徙越治先風化一日獲廢并子  
州治之西澄而新之易舊堂築新亭俱名曰清白視官  
師也閱歲浸久舊刻弗存紹興戊寅秋吏部尚書王公  
來師是邦暇日會僚屬于茲堂酌泉煮茗修筵公故事  
慨然歎曰自漢迄今守茲土者亡慮數百人莫賢於范

堂與泉盡其甘棠也記其可以不刊又謂公自筮仕據  
桐川與郡帥邊所至立祠獨越無有於典為缺於是求  
公遺像得之於其家比它本為真乃命工繪之耶其堂  
而祠焉明年閏六月庚申躬帥幕僚祀之某作詩以紀  
盛事

堂堂范公真天人配我仁祖為元臣材兼文武懷經  
綸先憂後樂不為身上與夔高相等倫正色朝端批逆  
鱗三黜愈光名愈聞一麾東游禹所巡作詩懷靈祠季  
真卧龍山麓井久湮縷而汲之清且新堂于其旁記厥  
因名標清白垂不泯規爾官師意諄二沈貪濯盜思還  
淳人亡迹在嗟已陳斷碑往往埋剝榛後人不識真天

人但能日飲堂中春雖以清白使君好事賢且仁治民  
律已惟公遵登堂感聚懷斯文刻石繪像揚清芬丹青  
炳耀如麒麟凜然如生見如親躬修祀事率幕賓手酌  
寒泉羞澗蘋一酌清我僚吏民再酌為國清簪紳要將  
清白風無垠庶得范公遺志伸公乎為仙為明神為澤  
為瑞為星辰當宁庶勞思若人九原喚起清遑塵上

次韵梁尉秦碑古风

會稽秦頌德碑丞相李斯篆世傳在秦望山莫知所  
在教授莫君好奇嗜古搜訪尤力有言碑在何山者  
莫以語某何山見於圖經在秦望東南疑其真秦望  
也某欣然欲往職有所拘以告會稽尉梁君梁慨然

而行登山果見之碑石僅存字磨滅已及墨片紙而  
還作古風長韵具記始末因次其韵且記吾三人好  
事之癖亦以示後人也

姬嬴遺迹存者希世傳石鼓稽山碑石鼓偷撈得歸予  
文與二雅爭驅馳秦碑夸大頌功德埋沒草莽無人知  
或言出頂石猶在上有虎豹龍蛇螭神藏鬼護荆棘叢  
崖懸磴絕登無收廣文好奇穴探禹梅仙喜事僧尋文  
岐適昔游越中好山水梁我贊其行要親覩勿受世俗  
流傳欺望秦望秦兩嶺絕何山壁立東南涯豐碑屹植  
最高處不知磨滅從何時剔苔掃墨了無有模糊片紙  
亦足奇濃雲霏霽對巖將雨古木槎牙蟠老枝歸來走筆

出險語訶政叱斯同小兒詩成得得寫寄我詞嚴意偉  
法退之我聞秦人滅六國酷若犬噬臨江麋先王法為  
秦所負負秦况有秦有司五經灰飛儒殘血堯舜周孔  
何能為上蔡獵師妙小篆奴視俗体徒肥皮東封太山  
南入越大書深刻尤陸離沙丘風腥人事變見飢族赤  
誰嗟咨漢興萬事一掃去惟有篆刻餘刑儀磨崖欲作  
不朽計其如曆數不及期蚩尤五兵紂漆器人物美惡  
寧相疵我雖過秦愛遺書南山入望頰支頤不須暉陽  
訪秦刻不用迂史觀雄辭虛堂默坐對此紙閉眼暗想  
君勿嗤要知秦碑没字本部類周雅無辭詩

府師王公中秋宴客蓬萊閣分茶賞月于清白

亭基以幕寮與馬坐上成二絕

使君開宴小蓬瀛幕客參陪亦與茶茗莫寒泉飲清白

酒斟佳月賞分明

白髮青衫老幕官蓬萊秋月兩年看興來端欲乘風去  
不怕瓊樓玉宇寒

又和趙仲永撫幹二首

冰輪飛出暮雲端更向蓬萊頂上看端似虹橋翫金餅  
絕勝華屋見銀盤光浮酒面杯尤滑清入詩腸句不寒  
又與鑑湖添勝事一時賓主尽鴛鴦

千岩競秀越王州地勝錢塘與虎丘龍卧半天頂江月  
鑑湖千里影涵樓宴開秋色平分際人在蓬壺最上頭

不負良天更輸我此中此夜兩年游去歲中秋與同遊

與府會同游諸公請不在焉

再和

崢嶸高閣聳雲端萬壑千岩坐上看八百里湖寒鑑瑩  
二千年國卧龍盤金風吹面掃殘暑明月入懷生嫩寒  
見說神山正相偶醉中端欲駕仙鷲

家在東嘉山水州玉簫丹竈古山丘兩年秋月登蓬閣  
千里鄉心繞謝樓作賦端同北窓裏思歸長諫六弓頭  
與君何日脫塵鞅杖履逍遙物外游

又用看字韵酬趙仲永

紅蓮分幕忝同官秋月揚揮並席看句好湖山添秀氣

談清齒頰帶微寒

故參政李公挽詩三首光字太發

一代高明學三朝骨鯁臣  
淮南憚長孺楚國忌靈均  
死尚憂王室生寧問大鈞  
姜山同峴首千古疾行人

言謂言公在滿所及垂死之際所

方面功尤著朝端氣最剛  
身能縛元齊城不陷雖陽惡

奮少連笏耻同素蓋堂永嘉曙  
五馬遺愛可能忘

公在南荒日迹危名愈尊  
芝蘭坐竒禍承身醜讒言斥

去權臣力生迂聖主恩  
衛公精爽在何用此招魂

九日與同官游戒珠寺用去年韵

九日重登古巖山  
勞生又得片時閑  
菊花今歲殊不惡

蓬髮去年猶未班  
藍水楚山詩興裏  
鑑湖秦望酒盃間  
醉中同訪右軍迹  
題翁橋邊踏月還

顯仁皇后挽詞三首 代安撫王尚書

嬌好嬪天子  
塗山毓聖人  
聰明配昭猷  
慈儉繼宣仁  
湯

沐寧私已園陵不病民  
鴻休耀彤管無復數城妾

八帙年無憾三仁謚有輝 周朝仁宗皇太后謚宣仁皇后

瑤池燕仙侶  
芝石莖遺衣  
忽覩龍輅去  
猶疑驪馭歸  
聖

情哀不盡淚向禹陵揮

代邸迎歸日  
炎暘喜中興  
解將天下養  
惟有聖人能方

慶朝長樂俄驚望  
猷陵寢園祇奉處  
擁紼涕垂膺

明氏挽詩 陳氏王尚書

癸亥生賢文端宜配德星登堂飲姑乳調膳教兒經子  
舍春猶盛孫枝葉已青韓碑記遺懿彤管繼芳馨

次韵喻叔奇追感去冬天衣之游

去年同會類高陽  
蠟屐登臨雅興長  
可但山光向人好  
更欲天氣為吾良  
路經禹穴深懷白  
目對秦峯遠憶黃  
獸<sub>在秦聖山下按宋育</sub>日線又添人  
正遠尺書千里  
尉相望

次韵劉判官大辨見贈

篋藏詩墨高澄鮮  
長記東嘉共綺筵  
游宦俱為遵黨客  
異鄉重見菊花天  
謝池一別真成夢  
鑑水相逢似有緣  
小小園林吾欲老  
看君功業上凌烟  
劉判官在蘇州

凌烟多少

趙仲永以

御茗密雲龍薰衣香凡贈仍惠小

詩次韵

天上人回餅賜龍香沾衣袖十分濃明珠照室光生豔

三絕全勝萬石封

仲永再和三絕復和以酬

問世宗英學海龍交情尤為野人濃天香御茗分奇絕

盡是慇懃手自封

手汲寒泉碾小龍天香一炷滿衣濃與君慷慨論時事

欲吐丹心上實封

長記中秋踏卧龍尚餘詩興至今濃美君豪邁如韓子

聯句猶容李正封

寄題周充夫碧梧軒

鳳凰梧樓竹實食胡為使之在枳棘開軒種梧高幾尺  
鳳兮鳳兮聊爾息莫羨風微燕雀高一飛定裝冲天翼  
覽輝瑞世鳴朝陽此梧長向人間碧

留別民事堂

二年宦東州民事了無補俯仰媿斯堂何以報明主  
故家蕭峯下歸耕及春雨平生剛畝心感際聊自許

題雙峯資深堂

書生紙上誦糟粕釋子舌端談葛藤道在堪然方寸地  
不知深造有誰能

我到雙峯尋寶月為留一宿話資深但能造得儒宗語  
使是能傳佛龍心

雁山門戶此中入南北兩峯相對尖我與林泉有盟約  
問師覓取一峯潛

千峯已見見雙峯既越山川在眼中吾祖吹簫定何所  
會須乘鶴訪遺風亦峯之西南  
亦有吹簫峯

堂名石刻兩俱存令我深懷舊長官學道資深更深處  
焉安能使庶民安周問祖昔令繁清有遺  
爰堂名乃開祖所命

宿靈岩贈長老敏行

藍輿謝公嶺杖屨矩羅室淨名訪維摩一菴僅容膝尋  
僧畫屏中往往多八十平生看不足靈岩最奇絕老禪

蜀中來心印傳佛日脚力窮天下稱此為第一茲山昔  
未開藏閉最深密倘不遇熙朝造物肯容出孫公賦  
天台勝地尚遺侯我欲續金声願借山中筆

梅溪先生後集卷第四

梅溪先生後集卷第五

詩

己卯臘月七日解官離越十九日至家明年正月二日被命除秘書省校書郎卜以八日行

書二十字

梅花照歸眼春色戒行裝君命不俟駕安敢懷故鄉

次韻馮員仲正字湖上有作

甌蜀異鄉客西湖同日看浪花隨去棹風絮逐歸鞍水浸吳天潤山涵佛界寬春光無限好共規縛徵官

次韻趙伊永悠然閣

越絕山川深更深不須登覽自來臨胸中丘壑忽相遇

眼底塵埃無復侵得趣  
早同彭澤徑把杯時赴廣文襟  
知君指日歸天祿莫負平生閣上心

次韵 皇子建玉題明遠樓

百尺崇珠邸恩隆地更親  
壯侔巢鳳閣危切飲牛津  
眼淨全無疑心明自不塵  
登高宜暇日為善及良辰  
炳煥瞻宸畫沉潛味道真  
中藏所書中端得趣筆下已如  
神語帶江山好名隨棟宇新  
應憐天下士蝸舍不容身

劉韶美辭試館職

學問稱博洽向後無此劉  
太一然青藜遲君天祿游  
給札試玉堂故事久不修  
遴選先實才聞之輒掉頭  
我適行祕書肯隨鈿纒流  
三日掃虛室佇想心悠悠  
張羅君

不顧竊食吾懷羞西風吹蕙葭倚玉嗟無由

再用前韵贈韶美

平生少相識摸索能記劉東南小蓬萊二年同官游濯  
纓鑑湖水佩蘭以絮修自倚勦辭門不撼富貴頭西及  
吳江瀾委身謾乘流回首望故鄉天高路遠悠慷慨君  
自喜伊優吾亦羞乘桴倘有志願言呼仲由

次韵韶美送刘夷叔二詩時夷叔已死

蜀山高岩岩英物世非少青藜如金子高步絕雲抄思  
苦鳴輒悲詞深誼難曉知音有古人紙上自傾倒我昔  
賢關游相逢粲衣表東歸拜言贈篋寄至今好重來已  
鬼錄魂魄蜀天渺蓬山訪高躅空舍不停繞定尋窮蓋

郊相酬類双鳥莫作人間來世路轉難拗

右悼夷叔

西南有佳士岷峨秀胸中標高語更妙寫出岷峨容言  
天道路難冥々慕蜚鴻翩然下人間海闊洪濤吞羣凶  
入禹穴杖屨誰相從萬卷蟠腹笥一榻眠禪叢時來訪  
予語自媿賢非戎世態冷處薄交情淡中濃去歲鑑湖  
別分甘老岩松行藏果誰使離合清無窮田園有深約  
耘耔當自充異時旣蜀閭林下見兩翁

右贈韶美

皇子建王生日十月二十二日

黃花過後梅花前雲披愛日烘青天月良陰剝陽欲旋

冀餘八莢時半千鬱葱佳氣燭星躔  
帝子來從天日  
邊淑質岐嶷貌端然少親師傅學問專六籍與台能心  
傳百家諸司成窮研餘事翰墨工詩篇平居為善心奉  
奉君親忠孝尤兩全放遠声色塵管絃明窓自結賢聖  
緣吾皇知子能擇賢斷自衷衷愛不辜九重一日丹詔  
宣歡声喜氣溢幅員王自愛思無愆仰佩天眷奉周  
旋保持王体如臨淵日親端士遠使紙上興表鑒古  
先誕宸未邸錫玳筵鼎來福祿方綿綿不須丹龜求神  
仙不用具葉慕真詮誠存性盡萬善圓身與國壽俱千  
年

寄新曆日與夢齡昌齡弟

老去驚看曆日新  
宦情尤憶故園春  
吾鄉親旧如相問  
為道明年已五旬

送查元章二首

聖主德寬大小臣  
言激昂虜情殊未側  
淮甸可無防首  
氣思開日寒威  
誤隕霜芳姿等蘭蕙  
摧折更奇香

肝腦不自愛  
精忠為上殫  
危言犯顏易  
直道立身難  
去  
目名逾重  
還家迹始安  
相將吾亦去  
林下掛衣冠

祕書省後園脩竹可愛  
胡正字惠有詩次韻

不俗更嫌俗  
風枝時拂墻  
青々映  
蒸燭細々雜  
芸香勁  
節老方見清  
陰寒欲藏  
蕭疎似吾輩  
味向靜中長

魏邦式通判挽詞

挺挺魏公後重聞別乘賢有時同正觀無地上凌烟雨  
足嘉禾穗風清發女蓮吟魂招不返遺恨越江邊

耆舊嗟零落公年又不長雙旌空入夢半刺橫催殍子  
合三珠秀吾鄉一鑑亡平生可書字椽筆有星郎張即猷作行狀

次韵程泰之正宇雪中五絕

幻玉蜚花濕帝城蓬萊燈火冷中清人間草木舊相識  
傾刻還驚面目生

栖鳥驚起天無月化鶴归来頂不朱錯認湖山作西子  
眩人疑是玉飢膚

點綴工夫巧更奇崑崙玉果半歲蕤嗅梅咀雪欲腸斷

况讀高生人日詩人日雪

預知不夢定登場六出挽先瑞衆芳更喜江梅白蕭洒

不緣摧壓減清香

卧聞征雁作回音遥想吾廬玉滿林乘興扁舟定歸去

草堂深處伴猿吟

泰之用歐蘇穎中故事再作五絕勉強繼韵

君詩雅勝五言城曰雪篇章分外清不許同僚持寸鉄

筆尖戰退老書生

寒侵睡思那成夢酒著衰顏誤抹朱待詔先生應怯冷

餐糲使者可稱膚

穀精蜚處人為日水鑑頌特律應難照耀元宵更盈尺

不容燈火占新詩

煮海神功不計場  
逼真吟煇奪春芳  
東君深悉成堆積  
急遣雷公喚阿香

夜靜微聞折竹音  
驚禽何處更投林  
寒生習氣無絲掃  
遙對湖山忍凍吟

趙仲永和東坡汝陰雪詩并塞趙德麟賑濟故

事見示遂次其韵

不作秦人視越人  
深憐里舍甌生塵  
恨無廣廈容寒士  
安得洪爐煖曲身  
中木照人俱有豔  
珠幾滿地不憂貧  
憑誰扶取浮雲破  
莫待功成始放春

次韵洪景盧編修省中紅梅

詩功成  
發春曰

不為怕寒貪睡遲東君妙意端可知雪英零落眼界寂  
放此孤瘦紅南枝蓬萊更向逸遠地在著木寧有  
天饒姿冰容戲作桃杏色醉臉雅與神仙宜江兄壻友  
已前輩黃生後出非同時丹心獨與勁節侶疎影共浸  
清漣漪騷人相顧最不惡何用車馬紛虫出與衣莫昔  
共携酒對華一展思鄉眉

李德遠寺簿敢言勇退今之古人也東嘉三慕  
賦詩以高其行

吳山蒼蒼烟靄橫皇都日可春風生剗塗徑走輪轂  
古道荆棘惟君行吳江洪濤拍天洑萬楫千帆自相踵  
六鰲入釣猶不歸急流知退惟君勇斜川勝事今臨川

錦抱風月追謫仙  
芋魁豆飯吾亦有  
脫裘有媿君翩然  
我輩情鍾惜離索  
為國惜賢情更惡  
江頭送別春尚寒  
回首冥鴻已寥廓

省中黃梅盛開同舍命予賦詩戲成四韵

照眼非梅亦非菊  
千葉繁英刻琮玉  
色含天苑鵝兒黃  
影蘸瀛波鴨頭綠  
日烘喜氣光燭鬢  
雨洗道裝鮮映肉  
此梅開後更無梅  
莫惜攀條飲醪醪

送王嘉叟編修書薦張和公

上書請劍人未復  
湖鄴辭借以開口薦賢君  
又行堂上伊優矣  
絕倒紛紛去國皆  
狂生播紳敢言似  
慶曆風俗漸美如  
東京手措老眼看  
除目一遷一去知  
誰榮南

昌別駕亦不惡三王高閣尋宗盟吳江漫漫楚天闊羨  
君一葉春舟輕

送陳阜卿出守吳興自察院遷郎未幾得外

臺閣輟名士符竹分帝憂搢紳有清議欲為朝端留才  
名四十年孰饜成白頭方開公道口遽中謾人鈞觸邪  
旅壯志歛惠施一州命義二大戒能言亦能由阜卿嘗  
天下之大戒論去矣雲水清孰障天下流願言如季路  
乘桴共公浮

次韵程泰之酬

青春果作堂堂去啼鳥喚春春不住明珠萬顆玉為錢  
欲買風光嗟已莫蓬山地冷花木稀祗有寒梅已先雨

誰遣虬枝上高架稍覺雲陰覆行路雨餘景物猶未佳  
葉底精神不多露鼻觀疑聞班馬香姿比何郎更風度  
平生惜春如惜別老眼待花如待哺幽亭相對止三人  
草草杯盤為花具之時同舍某在館

送胡正字

憲分韻得來字

胡上書言事得祠還

生早賦歸  
去來為韻

武夷之山高崔嵬武夷先生賢矣哉山中高卧似孤竹  
顏蒼節勁清無埃吾君養老過西伯不遠千里歸乎來  
曾中萬卷可醫國首薦蘇南真人才胡上書言人言朝  
暮暮必逐天顏獨為忠言開崇文三館不浪闢端為天  
下收奇瓔平時論議即涵養富貴豈以三緘媒西京老

儒作符命蒼黃授閣良可哀何如皇朝有旣范開口不  
憚千霆雷故忠文正公先生學力到前輩一時盛事  
光麟臺宸衷宵旰急忠讜佇觀前席延鄒枚先生掉頭  
竟不住扁舟自載高風回道山游後盡英雋顧我晚進  
寧容倍梅花滿枝柳弄色賦詩送別同銜杯吾房三徑  
亦荒草松菊恠我何遲徊

四月四日祀赤帝于慈雲嶺淨名寺祀畢游易  
安齋至江次送黃子升通判還鄉

祀罷燈花喜山游曉色新江頭送歸客我亦是行人

送太學生徐易歸天台

天台古仙山藥物固非一采之言可延厥品惟參朮茲

誠籠中物不可亡一日良醫苟能用可治天下疾

章季子教授惠顧渚茶報以宣城筆戲成三絕

春回顧渚雪芽生香味尤宜祕水亭搜我枯腸欠書卷

飲君清德賴詩情

白齒新芽不出山青囊誰遣到人間午窓驚鷲覺還鄉亭

紗帽籠頭捧兔班

季子以青囊紗盛二兩云乃真  
顧渚零陵佩不出山絕品也

雲水書來寄葉嘉中山人去代瓊華定將絳帳鑄人手

散出毫端千種花

趙仲永和胡正字竹詩見贈用韵以酬

憶昔游遠幕獲登君子墻蓬萊醉秋月龍鳳啜天香臺

閣子將集山林子欲藏新詩似循竹風味更高長

張閣學挽詞 宗元

南渡已三紀衣冠今幾存傷心失遺老回首慨中原去  
國權臣力全軀聖主恩致君堯舜術妙意託空言  
公在南昌日含沙禍策奇語蜚無限謗獄具不過詩天  
道何嘗遠人心自太危蓋棺公論定盛德合豈碑

寶月師刻予舊題以寄因書二絕

資深堂上偶留題多謝高僧不掃泥更與慇懃豸山骨  
惡詩傳到浙江西

冊府經年已倦游夢魂隨雁到峯頭山中老宿如相問  
為道歸期不待秋

五月十八日去國明日宿富陽山懷館中同

舍

去國懷明主離群念舊游  
翻令到家夢終夜繞瀛洲

寄馮員仲

相見惟言去吾今去已成著鞭先幾日不及送君行

釣臺

漢高嫚罵四皓隱周武干戈伯夷餓南陽故人幸無失  
先生胡為亦高卧清風却在夷皓上千古真能激貪懦  
客星夜向釣灘明想像年時臨帝座

嚴州龍門院滿散天申節

棹弭龍門下誠馳天闕邊  
平生剛直意祝聖更憊倦  
宿永康縣黃塘店觀稼有感

路入黃塘喜更疑地名雖是里間非地予家之東十里名亦曰黃塘眼  
中禾稼已如許薄有田園宜且歸

永康有嶺名花錦被

要將山水替埃塵六月還家不憚辛炎暑厭聞花錦被  
清涼宜近竹夫人

舟中偶題

綠水客星瀨薰風嫠女谿來尋處士隱歸向斗中樓

游石門洞

雁山飽見兩龍湫洗眼新觀石洞流欲向故鄉尋白鹿  
先來仙隱訪青牛青牛隱于石門破荒喜誦劉郎句躋險思  
從謝容游天下林泉看未足分將身世早休休

林明仲自梅嶼擊舟招丁道濟道揆張思豫及  
予同飲索詩坐間成六絕七月朔日

君家梅峙我梅溪一笑相逢郡治西明仲別館在城西要  
使衆山同對酒菱荷香裏具親携

右贈明仲

塘餘春草遙思謝樓面蒼陂重憶劉時泊舟思遠樓下

昔共游今孰在蘆花飛雪上吾頭予昔游

同舍書多在思錄而予已老慨然傷懷

右懷舊游

五人二百六十五尊酒相逢非偶然把手共為他日約

莫緣富貴負林泉時仲明五十六道濟五十四道

揆五十三思豫五十二予五十一

右贈諸公

遙岑出碧明雙目境入韓詩已飽參湖上軒窓對遥碧  
新詩寫出舊城南

地環碧玉軒窓瑩舟入紅雲笑語香下筆慚無少陵句

老懷徒愛宋公莊

宋侍郎別業在思遠樓之南有軒名遥碧

右題宋莊

西岑風物冠吾鄉十里烟波興味長不用扁舟鑑湖去  
餘生甘向此徜徉

右題西岑

梅溪先生後集卷第五

浙江

梅溪先生後集卷第六

詩

次韵昌齡至樂齋讀書

端慕顏回樂真同陋巷居息心容膝地得趣滿牀書  
短燈宵永窓明日晷舒相看有脩竹心為主人虛

寶印叔示詩且索碑刻以南明山六大字為獻

隱誌器仍次韵

不才詎可登其臺省早問君王覓閑冷聊尋商嶺綺与園  
未三雲臺冠弁耿掛碑滿屋寧療飢來詩云滿屋嗜好  
與叔真相宜試寄南明六大字想像年少西游時

寶印叔辭上人各贈瑞香花

小小園林意自憐全用別波一首名花十八擬唐賢瑞

香一種來潛澗學士新添兩少年

言喜良自許峯來訪留山間數日賦詩數十章

復出四絕見贈次韻

徑荒猶有淵明菊囊澁寧求季子金老矣此身何處著

入山惟恐未能深

謾有忠懷徒耿耿恨無長策揀元元張儀舌在知何用

莫莫休休且勿言

平生風義慕相如筆硯從游二絕餘直許交情定金石

肯同餘耳但光初

與君連夕燈前語勝讀千年窓下書八斗文章千里足

未應低首掾桐廬

先人舊題東山墓亭三絕

入堂無復見雙親此字元犯御名故易之建此字元犯御名故易之以來寧似在神天地

深恩難以報含悲唯有淚霑巾

門枕青山夕傍谿青山流水助悽悽雙親既遠神何在

對此追思獨怨啼

新築茅廬澗壑園山光水色共依依野人不居屋中趣

誰會朝來與暮歸

某辛巳秋歸自武林省先隴遂修亭於濬溪流

因思先人舊詩已隨屋壁壞矣尚能記憶遂追

和

殘生無計可榮親一見松楸一損神惟有青山知此意

晨昏長戴白雲巾

先願在家常煉其真最高白雲常煉其真

重葺山亭濬舊溪杖藜來往獨悲悽追思四十年間事

風為哀號鳥為啼

丘木森森已十圍滿林清蔭可棲依每憂樵牧傷松柏

游宦三年兩度歸

送萬先之赴清湘教官

早歲声名滿上庠青衫今始赴清湘得官已晚豈宜冷

行路正難邪更長平昔心期良不淺異時官業可能量

鵬程九萬從今日行見飛飛到帝旁

送曹夢良赴桐廬方掾

年少論交老愈堅  
交情盡在和韓篇  
短檠業共賢  
閑會  
淡墨名同桂籍年  
筮仕暫為三語掾  
摘詞行踐八花磚  
許峯佳識亦聊耳  
何止蓬萊山上仙  
瑞安有許峯  
鶴黍相尋豈偶然  
論文尊酒荷留連  
秋風初送雁群至  
驚木喜聞鶯友迂  
勸我鑑湖行甚力  
送君釣鰓去無緣  
願將清白師韓范  
後此高堂有四賢  
喬父家鄉五載遷  
便腹筒愈添  
圖才如子建  
豈論斗  
世類西門能佩帶  
車馬戒塗君欲去  
田園迷徑我未歸  
男兒所尚惟名節  
莫墮人間富貴機

十月朔日偶書

去年此日對清光  
聖德能容一介狂  
言畧施行非不遇

身雖疎外亦何妨

剪拂花木戲成二絕

西掃衡茅端欲老  
剪裁花木自為春  
權門炙手非吾事  
祇合丘園作散人

夏山莫莫莫許  
侵好花封植待成陰  
每於小小園林裏  
長抱倦倦別畝心

小小園中桂鵲花  
盛開有共帶雙頭之異因  
以數語記之

一声杜宇啼春風  
明朝緋掛千山叢  
歲寒此色豈易得  
那更帶双頭紅  
共帶聯芳友于愛  
一吐一含分次第  
造物私我小園林  
此花大勝金腰帶

杜鵑中有名

題月師桂堂

道人以月名身以桂名堂習中負所有志在丹霄旁冠  
巾尚可加唾手得天香惜哉已世外此志終莫償山中  
作堂侔月窟禪定吟餘思清越要令坐上生清風須使  
心中似明月

十一月二日自金谿訪錢用章于白石覽山川  
景物之奇以東道之姓為韵

朝離文君故宅邊莫尋謝守舊行田黃羊先示神仙迹  
湖上與有黃羊岩白石俄開洞府天兩派崢嶸鳴玉澗一  
乃釣魚舡王孫占得湖山勝明月清風不計錢

同錢用明用章游白石岩

謝公好山水得郡古東甌造物惜佳境雅志多不酬  
蘿蔽雁蕩烟靄埋龍湫行田徑白石不到仙山頭  
數百年天付黃冠流巍然萬仞崖壁立東南州誰將補  
天手化出白玉樓兩龕藏洞府中有群仙游上通赤五  
天下接三神州飛泉落岩腰碧澗鳴山陬群峯真培塿  
滄海為溟濶隘視人間世萬象同蟉游我家雁山陽崎  
嶇厭經丘翩翩錢公子呼我尋岩幽初驚小雨密忽掃  
群陰浮杖履窮噴坑一洗塵埃眸山林有真樂富貴何  
足求但願乞二山不願萬戶侯

二山白  
石雁蕩

又書岩上

十里湖山翠黛橫兩溪寒玉闔琮琤路從飛鳥上頭過

人在白雲高處行，岩下行田謝康樂。洞中辟穀李先生，  
凭欄不瞰人間世。轉覺此心名利輕。

脣玉泉

白石岩脣玉泉佳名初，自長官傳渾疑齒頰冰。霜論  
終日霏霏落半天。調開詩祖名鏗鏘泉口脣玉東坡有齧  
齒牙。

李少和像

少和辛苦學飛仙，遺像今猶在洞天。都似先生能辟穀，  
何須太守為行田。

游東際

白石三峯下，懸崖七際流。穿雲小汨汨，朝海去悠悠。心石

是誰家婦俗呼石新婦立龍居第幾湫俗云龍舊平生不行

險到此即回頭上有六際

次韵寶印叔觀海三絕

載地浮天浩莫窮氣管樓閣聳虛空道人妙得觀瀾奇

萬里滄溟碧眼中

榴峙何年改玉環木榴峙一名木榴峙俗傳望中猶是

舊青山遺民不記當時事惟有湖声日往還

誤入蓬萊朝未央至今魂夢記微茫扁舟欲効鸕夷子

遙望滄波興已狂

李鎮夫闢圃築堂効孟氏之養吾表兄杖屨其

間得日涉之趣其來游名堂曰雙植因書三絕

不到君家幾換春  
眼中風物一番新  
吾園小小知何用  
不似茲園可養親

琴書得趣有真樂  
軒冕倘來何足干  
種德種花薰着力  
要須留與子孫看

繞堂花木隨宜種  
堆案文書取次翻  
我待衣冠掛林下  
杖藜時復到君園

劉長方自豫章寄書稱  
罽焦蠣房之美  
恨未知  
味書一絕以寄之

珠嶼小蠣房  
圓帶石罽焦  
巨房深若盃  
吾鄉此味亦不惡  
故人游宦盍歸來

罽焦在沙角海中本日如焦子易  
之曰罽珠時在大芙蓉小蠣絕佳

寶印叔得小假山以長篇模寫進士欽逢辰和

之其次韵并簡欽

越絕天台温雁蕩萬壑千岩各形狀錢塘風物更奇絕

杖履年時記曾訪歸來戲闢小園林十里西湖藏甕盎

一子盤地以甕植蓮有詞云是悠然入眼皆吾山羅列軒窓一

何壯止菴道人真有道種竹蒔花近立壙何人好事贈

假山清澗新添小屏嶂却疑遷徙從平泉更恐飛來自

秦望嶂有飛來石世間質物何止此沙佛儒衣龍亦象

道人於物意豈留異日從教散天壤花木篇章兩游戲

拈下高風真可尚來游蓮社有詩人句比昌黎更豪放

我休說假復論真真假通通同歸一相

次韵昌齡西園十詠

黃楊

子婦自武村黃楊猶枯命  
去藤蔓台薜復有生意

黃楊庚甲與吾同樹已蕭疎  
我亦翁藤蔓掃除苦辭去  
歲寒猶解傲霜風

葡萄

滿架龍鬚卷復伸  
堆盤馬乳釀青春  
潑陪一斗宜延客  
莫博涼州學漢人

脩竹

至樂齋西碧玉竿  
清陰時過酒杯寒  
明年看長纖纖筍  
解籜當為漢帝冠

梅

拂雲脩竹逸吾家  
竹裏仍栽第一花  
好句更同林處士

月黃昏後影橫斜

桃

欲留王母盤中核兼採秦人洞裏薪  
此事渺茫花笑我不如聊賞故園春

李

長念詩人詠子嗟團欒繞樹日欹斜  
水盤行薦爽天寶不用東門學種瓜

杉

記得先人手自栽森然千尺盡成材  
翠絲結作思人樹它日兒孫豈忍摧

桂

浙

圖

書

館

丹青自休歎路難通學取燕山種桂叢異日天香滿亭院  
吾廬當似廣寒宮

柳

何幸先人有弊廬不妨同種柳千株垂陰覆地寧無日  
作雪漫天肯似榆

菊

百花春放菊秋榮霜裏鮮鮮照眼明歲晚不妨開自好  
何須三嗅泣繁英

題如存亭壁十一月五日

不見慈親已一星佳城松柏慘然青此生難報劬勞德  
空對銘碑涕泗零

年來游宦遠松楸越雪吳霜帶滿頭乞得祠宮養衰病  
白岩香火共僧修

劉義夫欲與先隴植蘭寄數根

思親何忍陟南陔采得幽蘭紙自哀寄與東山劉孝子  
佳城側畔好親栽

義夫許贈丁香蠟梅

劉郎不獨種桃花蠟藥柔香更可嘉臭味相同林下友

後今花木亦通家

予植詩入香丁香曰柔香取樹詩丁香體柔弱

義夫以趙清獻諫垣集易柳文次其韵

文集何須較少多有無相易共漸磨憲基清獻柳州柳

唐宋人才未易過

雁山僧景暹求文記本覺殿

歸來欲効老夫潛喜見游方舊杜暹本覺殿成功德滿  
媿無筆力助莊嚴

又六言

筆下何曾有口囊中更媿無錢聊把一言讚嘆助成此  
段因緣

書不欺室

室明室暗兩何疑方寸長存不可欺勿謂天高鬼神遠  
要須先畏自家知

人日有雪竹間種蘭

人日又飛雪法安人日竹林仍種蘭舊嘗於竹陽浮層

瓊父風泛馥檀栾花點黃金勝叢依碧玉竿世間桃李  
眼肯向此中看

張思豫主簿送丹桂蠟梅

通家天上張公子桂種遙分月窟香三徑慇懃自栽植  
異時會見五枝芳

蓮幕何人送此花不容一藥污貧家歸來自覓清河種  
馨香德如人最可嘉予在越幕有送蠟梅者卻之  
同僚有蓮幕風清不受梅句

余全之贈菊栽十二品并示三十絕走筆二絕

耐之

老覺山林興味長歸來三徑嘆荒涼分君嘉菊二十品  
增我東園十八香

余即蕭洒似何郎事業它年未易量寄我新詩三十絕  
筆頭直與菊爭芳

二月二日焚黃天色開霽賓游並集存沒有光  
悲痛之餘因成鄙語

三金深悲不逮親九天命下貴雙墳痛將淚雜香醪奠  
忍見衣隨言墨焚漠漠濃陰初閣雨暉暉煖日旋披雲  
餘生難報劬勞德猶有孤忠可報君

送陳元佐游剡

杖履昔游剡亭魂猶至今欣聞戒行李遠訪舊同襟數  
學功相半淵源力可尋池中神鯉足時為寄鄉音

雙桂

先人於井之兩旁植雙桂不知其幾年矣木陰茂盛  
香聞遠近某偶得一石立為墻角書雙桂二字以識  
之因成小詩以懷遺德并示子弟壬午閏月十六日  
先人植雙桂馨德滿吾廬不老兒孫長聯芳合似渠

東籬

我豈親彭澤茲籬偶在東悠然見山處仍向菊花叢

左原詩三十二首并序

樂清之東三十有五里群山環繞地名左原以其居邑  
之左也中有左嶺左湖左口皆以左名之予七世祖自  
杭徙溫家于是原地雖荒僻有山水足以自娛予丐祠  
得請日與兄弟隣里有杖屨登臨之適原中景物可資

賦詠者各識以詩九三十二首壬午三月

東高山左原有四高山在乙辛丁癸之位術者目為四貴人東山最高上有五峯其一

曰宋家尖也

峯頭日出已停午山半雲橫疑在天要使名如越山重

直須人似謝公賢越之上虞有東山乃謝安石高州也

西高山西高山者教峯稠疊前山如几俗謂西平氣高覆謂之杜鵑花尖西山峯也

最多術者謂之旌節山

壓頂花枝紅欲燎導前旌節開如訶倚窓拄頰時時好

何止朝來爽氣多

南高山山在縣治東北俗呼縣後山夜聞更鼓聲間有也名小雁蕩

山後風來聞縣鼓蕩中秋至集賓鴻我歸種菊東籬下

長在悠然眼界中

北高山予家之後山也左原之山惟此山最奇秀翼然如翔舞狀上有尖峯

群山如圍秀回環秀拔群山是北山我恐山中猿鶴然

移文未至已先還

龜山俗呼橫龜術者

衆山環遶一山橫形似真龜勢欲行不向九江資納錫

臨溪曳尾自全生

卧虎山在原之水口形如卧虎舊有溪祠俗呼卧山

昂然虎踞一原東回首眈眈氣象雄不放衆山隨浙水

溪頭高卧自威風

梅溪在北高山之陽去孝感井二十步溪六帶通

謂之梅溪名舊曰矣莫知所自予植梅以實之

我向梅花溪上家幾看清淺浸橫斜手栽木已如人老

雪鬢蕭疎對雪花

楊谿梅溪東流四十五步合原中數水而為楊谿楊溪稍大楊氏世居焉故以姓得名

一澗泓澄會衆流眈分俄類婺溪頭辛巳秋水臨溪更

種青青木故事端同柳柳州

戲綵岩源之西山有岩如屏上有尖峯俗曰白岩然岩色圍班如施五采故以戲采易之

烟霞屏障列西岑戲綵標名自始今我過岩前每流涕

班衣空有老萊心

杜鵑岩有戲采岩之東岩頂稍平上多杜鵑花故以花得名予家寒食九日必登是岩

游宦三年樂事遠  
岩花笑我鳥催歸  
歸來又被岩花笑

笑我登岩何太稀  
杜鵑花一名岩笑予還

碁盤岩杜鵑岩

杜鵑岩北一拳石  
石面平平堪奕碁  
路僻山深罕入到

欄柯仙客未應知

撒水岩在藏采

龍卧靈湫志未伸  
時時噴水撒行人  
雖然未抹蒼生旱

聊欲澄清世上塵

松羅岩在原之西北有山隔之四面壁立可梯

松羅木因以得名建炎間有謀避唯是岩者予

插天萬仞絕攀躋  
岩頂松羅不是栽  
節節須材作梁棟

人間斤斧可能來

障岩在鳳采岩之北壁立如障其色青黑有石  
障岩方而直聳而有稜長者數尺可植庭宇間

岩如法吏面清冷石似端人真直方誰解移茲障邊境  
大羊安敢肆猖狂

人面岩在原之西

圖

看盡人間古與今蒼顏一任鮮苔侵豈惟有面如人面  
更喜無心似獸心

天柱岩

有二一在松羅岩之側

雁山一柱插雲霄三井松羅柱亦高蓬華深懷祀人念

華天端賴柱堅牢

樸頭岩

在原之西北地

關處身宜及早抽山林遲我掛冠游不須花裏尋腰帶  
且向田間置幞頭

宋家尖 在東高山

皇恩西被復東新四海蒼生尽仰瞻  
賦微臣允戴宗結廬長向此峯尖

小雁蕩 在原之南山以雁得名

歸雁行飛集阿不貪江海稻梁多峯頭一蕩雖然小  
飲啄猶堪避網羅

左嶺 在原之南山

北望吾廬山最好南通蕭寺境逾幽  
嶺之東南有明慶院白雲夜  
向原中宿幾度隨人過嶺頭

左湖

在原之東又東曰湖

漁樵歎乃日相呼舟楫生涯在畫圖我與漁樵同隱逸  
不須乞作自家湖

尊湖

在楊溪之南吾鄉無尊湖此有之此詩乃舊日作

水晶銀線滿湖中先人詩云草抽銀線細相結水晶寒遙與吳江氣象同

我輩他年厭游宦思歸應不待秋風

南瀑布

在南山之下上接小雁蕩

飛瀑來從小雁蕩靈源頗類大龍湫矩羅尊者不須占

乞與山翁取次游

北瀑布

在原之西北山腰間俗名主潭

茲潭誰主復誰賓清世寧容有隱淪獨我山林養衰病

不妨來作主潭人

嘶水澗

原之南有左嶺水北流入于原中水善嘶晴而嘶則雨雨嘶則霽水忽鳴忽上

曰嘶

嶺頭寒澗遠無聲夜靜風恬忽自鳴山水有靈人不識

老農常用卜陰晴

雁潭

原之西南三井山之下吾先人九日嘗集實明于此因命是名

九日登臨澗水濱蕩中征雁亦來賓如今雁至應相感

不見名潭舊主人

三井

原之西南山路崖險人迹罕到予宣和辛丑春從先祖先人遊處是山凡三宿見溪

潭多游魚俗傳井舊有龍

源泉高似銀河落石井泓然鼎足分聞說井中魚已化

定從三級上青雲

孝感井

于家有井稍大俗稱大井王家宣和壬寅秋先相有疾思鱖魚時暑不可致先

人釣于井而得之井素無魚蓋孝感也張大工部尚書

綸竿臨井重欵歎誠感幽潛遂獲魚鮮道隨釣得玄鯽

秘書好句實堪書

白岩庵

在白岩之東吾祖捨山歸明慶院而玄

形如舞鳳

飛鳳吹掃思竹實

庵山蟠龍高卧恋山泉吾家松檟今

三世僧舍鍾魚已百年

吾高祖母葬庵之虎山晉曾祖

平地先此壑于菴後山

賈公庵在南高山之下司理賈公塋其母兄嫂  
于此築菴命僧守之賈公名如規字元

賈公名德重吾鄉慈母難兄寔此崗手種松楸及因果  
青山流水共高長

如在亭

先人塋大父母于東山立亭以亭之有  
神先人附塋其側某名  
真亭曰在來詩中語也

東山一到一霑巾記得先人昔念親強把茲亭號如在

松悲柏慘見無因

如在亭

先妣墳亭在白  
岩菴

北堂猶綠舊時萱寒暑無絲復清温戲綵岩邊白雲下  
慈顏彷彿尚如存

小小園納涼

屏迹立園世事輕澹然滋味似孤僧平生頭學昌黎伯  
宰相三書獨不能

贈甥萬膺

詩書為田筆硯耕着意治此清白生它年門戶大可必  
東平有孫吾有甥

萬孝傑用韵見寄酬之

壹有慈親養且耕游從毛穎楮先生新詩寄我尤清絕  
深喜牢之有外甥孝傑劉氏甥也

題從姪御莊

風雨漂我廬無地寄食泊小阮知所敦舍我道旁屋震

凌得嶢幪幸免涇塗辱明白歸舊巢鷦鷯一枝足

壬午秋七月  
戊申大風飛屋枝木于先人葵石兩廡摧墜  
家寓是莊九月旬以八月己巳還舍書于莊壁

萬孝全惠小龍團

貢餘龍餅非常品絕勝盧仝得月團豈有詩情可寄此  
荷君分貺及麓官

梅溪先生後集卷第六

浙江圖書館





浙江圖書館

浙江圖書館善本

浙大圖書館藏

一九五五年



浙江圖書館



浙江圖書館

浙江圖書館善本

甲 登記號：019735

一九 年 月 日



浙江圖書館

colorchecker CLASSIC



xrite



浙江圖書館

colorchecker CLASSIC



x-rite

